

Broj: 05-02-4-1587/23  
Mostar, 11.12.2023.godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
PREDSTAVNIČKI DOM  
n/r g-din, Ivan Miličević, sekretar  
n/r g-din, Mirza Čelik, zastupnik

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

| Primljeno: 14-02-2024 |        |         |            |
|-----------------------|--------|---------|------------|
| Org. jed.             | Broj   | Priloga | Vrijednost |
| 05/1                  | - 02 - | 347/    | 23         |

VLADA FEDERACIJE BiH  
n/r g-đa, Edita Kalajdžić, sekretar Vlade

PREDMET: Zastupničko pitanje, odgovor dostavlja se

Poštovani,

U prilogu akta Vlade Federacije Bosne i Hercegovine broj: 03-04-1135-29/23 od 05.10.2023. godine, ovom Ministarstvu je na nadležno postupanje dostavljeno zastupničko pitanje koje je na 5. sjednici Zastupničkog doma Parlamenta Federacije Bosne i Hercegovine, održanoj 27.09.2023. godine postavio uvaženi zastupnik Mirza Čelik.

**Pitanje glasi:**

Zahvaljujem dopredsjedavajuća. Pozdravljam sve prisutne kao i naše gledaoce koji prate današnje zasjedanje na bilo koji način, ja ću imati pitanje za jednog od dopremijera a tiče se da li se vrši sistemska pljačka građana Kantona Sarajevo od strane Energoinvesta jer imali smo izjavu kantonalnog ministra Bećarevića da je utoku sistemska pljačka na način da se razlika u cijeni isporuke prirodnog gasa vrši na takav način da je ostvaren ekstra profit javnog odnosno tog preduzeća u iznosu od 48 miliona, a svi znamo da glavni grad BiH i Federacije ima problem sa aeroxagađivanjem, a ta razlika u cijeni bi omogućila nekih 30 hiljada domaćinstava da se snabdijeva ovim prirodnim gasom. Molio bih za usmeni odgovor da li je to istina i šta ćete poduzeti ukoliko bude ovo istina koje o navodima ministra Bećarevića. Hvala.

**Odgovor :**

Na osnovu informacija sa kojim raspolaže Federalno ministarstvo energije, rudarstva i industrije i informacija dostavljenih od strane privrednog društva „Energoinvest“ d.d. Sarajevo dostavljamo sljedeći odgovor:

Vežano za cijene prirodnog gasa i ostvarivanje navodnog „ekstra profita“ obavještavamo Vas da u skladu sa članom 31. Uredbe o organizaciji i regulaciji sektora gasne privrede (“Službene novine Federacije BiH”, br. 83/07, 71/21 i 91/22 - u daljnjem tekstu Uredba), Vlada Federacije Bosne i Hercegovine na prijedlog Federalnog ministarstva trgovine, uz prethodno pribavljeno mišljenje Federalnog ministarstva energije, rudarstva i industrije, snabdjevaču gasom tarifnih kupaca koji obavljaju javnu uslugu u Federaciji BiH (Energoinvest d.d. Sarajevo), reguliše cijenu za snabdijevanje prirodnim gasom.

Federalno ministarstvo energije, rudarstva i industrije u skladu sa članom 31. stav (1) Uredbe daje prethodno mišljenje na veleprodajnu cijenu prirodnog gasa i tom

prilikom posebno se analizira cijena nafte i naftnih derivata u prethodnom periodu (posebno u prethodnom tromjesečnom periodu) što predstavlja polaznu osnovu za kalkulaciju cijene prirodnog gasa, na koju utiče i kretanje cijene kursa dolara, kao i trenutnu cijenu prirodnog gasa na svetskom i regionalnom tržištu, analizira strukturu cijena prirodnog gasa i daje mišljenje o opravdanosti korekcije cijene prirodnog gasa. Federalno ministarstvo trgovine nakon provedene analize i prethodno pribavljenih mišljenja nadležnih tijela priprema Odluku za Vladu Federacije Bosne i Hercegovine.

U skladu sa prethodno navedenim želimo podsjetiti da je Vlada Federacije Bosne i Hercegovine u prethodnom periodu donijela Odluku o davanju saglasnosti na veleprodajnu cijenu prirodnog gasa („Službene novine Federacije BiH“, broj 55/23) kojom prilikom je snižena cijena prirodnog gasa za 7,96% i Odluku o davanju saglasnosti na veleprodajnu cijenu prirodnog gasa („Službene novine Federacije BiH“, broj 25/23), kojom prilikom je snižena cijena prirodnog gasa za 12,53%, dok je Odlukom o davanju saglasnosti na veleprodajnu cijenu prirodnog gasa („Službene novine Federacije BiH“, broj 83/23) u skladu sa utvrđenim procedurama, cijena prirodnog gasa povećana za 4,96%.

Shodno naprijed navedenom Vlada Federacije Bosne i Hercegovine kontinuirano prati i analizira sve elemente cijene prirodnog gasa, te donosi Odluku o davanju saglasnosti na veleprodajnu cijenu prirodnog gasa, te cijenimo da za ostvarivanje navedenog ekstra profita od strane Energoinvesta nema prostora.

Radi kompletnosti odgovora na zastupničko pitanje ovo Ministarstvo je zatražilo izjašnjenje privrednog društva Energoinvest d.d. Sarajevo koje je dostavilo dopis pod nazivom „Odgovor na delegatsko pitanje delegata Mirze Čelika postavljeno na 5. redovnoj sjednici Zastupničkog doma Parlamenta Federacije Bosne i Hercegovine održanoj 27.09.2023. godine“ koje dostavljamo u prilogu ovog odgovora, a u nastavku dostavljamo izvod iz navedenog dopisa.

*Struktura cijene gasa se transparentno prezentira Vladi Federacije BiH i resornom Ministarstvu. Na osnovu tih podataka Vlada Federacije i donosi cijenu gasa svakih 3 mjeseca za povlaštene kupce gasa tj. stanovništvo. Takozvana razlika u cijeni koju Energoinvest ostvaruje se odnosi prije svega na pokrivanje troškova koji nastaju od preuzimanja gasa na granici BiH pa do potrošača tj. Sarajevogasa. Ti troškovi se odnose prije svega na plaćanje troškova bankovnih garancija i carinskih evidentiranja, troškove bankovnih transfera, troškove dva operatora transportnog sistema gasa kroz entitet Republika Srpska, troškove operatora transportnog sistema kroz Federaciju BiH BH Gas, troškove i rizike kursnih razlika USD i BAM, te troškove rada i angažmana tima Energoinvesta.*

*Izjava bivšeg kantonalnog Ministra Bečareviča je netačna, zlonamjerna i štetna jer je on kao dugogodišnji učesnik u poslu sa gasom u Federaciji BiH itekako upoznat sa učešćima svih učesnika u gasnom poslu. i BH Gasa i Sarajevogasa i Toplana Sarajevo, koji svaki pojedinačno ima procentualno značajno veće učešće u cijeni gasa prema potrošačima u odnosu na Energoinvest. Izjava o navodnih 48 mil. KM dobiti Energoinvesta iz poslova sa gasom je apsolutno netačna i senzacionalistička.*

S poštovanjem,

**PRILOG:** Kao u tekstu

**Dostaviti:**

- Naslovu,
- evidenciji i
- a/a



# ENERGOINVEST

-Vaš znak.

VLADA FEDERACIJE BOSNE I HERCEGOVINE  
MINISTARSTVO ENERGIJE, RUDARSTVA I  
INDUSTRIJE

n/r Ministra g-din Vedran Lakić  
Hamdije Ćemerlića 2  
71000 Sarajevo, BOSNA I HERCEGOVINA

- Naš znak, datum: 4.12.2023.godine  
KD/BH/-1 - 2255 /23- Sarajevo

**Predmet: Odgovor na delegatsko pitanje delegata Mirze Ćelika postavljeno na 5. redovnoj sjednici Zastupničkog doma Parlamenta Federacije Bosne i Hercegovine održanoj 27.09.2023. godine kupce**

Poštovani Ministre Lakić,

U vezi pitanja koje je na gore navedenoj sjednici Zastupničkog doma Parlamenta Federacije Bosne i Hercegovine postavio delegat Mirza Ćelika a koja se tiču objašnjenja navoda koje je u javnost dao tadašnji kantonalni Ministar Almir Bećarević o finansijskim efektima posla koji ostvaruje Energoinvest d.d. Sarajevo kao uvoznik i prodavač prirodnog gasa u Federaciji BiH, ovim putem Energoinvest d.d. Sarajevo, dostavlja slijedeće odgovore.

Kompletan proces nabavke, uvoza, transporta i distribucije gasa je detaljno objašnjen u Uredbi o organizaciji i regulaciji gasnog sektora u FBiH koju je donijela Vlada Federacije BiH 2007. godine.

Struktura cijene gasa se transparentno prezentira Vladi Federacije BiH i resornom Ministarstvu. Na osnovu tih podataka Vlada Federacije i donosi cijenu gasa svakih 3 mjeseca za povlaštene kupce gasa tj stanovništvo. Takozvana razlika u cijeni koju Energoinvest ostvaruje se odnosi prije svega na pokrivanje troškova koji nastaju od preuzimanja gasa na granici BiH pa do potrošača tj. Sarajevogasa. Ti troškovi se odnose prije svega na plaćanje troškova bankovnih garancija i carinskih evidentiranja, troškove bankovnih transfera, troškove dva operatora transportnog sistema gasa kroz entitet Republika Srpska, troškove operatora transportnog sistema kroz Federaciju BiH BH Gas, troškove i rizike kursnih razlika USD i BAM, te troškove rada i angažmana tima Energoinvesta.

Izjava bivšeg kantonalnog Ministra Bećarevića je netačna, zlonamjerna i štetna jer je on, kao dugogodišnji učesnik u poslu sa gasom u Federaciji BiH itekako upoznat sa učešćima svih učesnika u gasnom poslu, i BH Gasa i Sarajevogasa i Toplana Sarajevo, koji svaki pojedinačno ima procentualno značajno veće učešće u cijeni gasa prema potrošačima u odnosu na

**ENERGOINVEST, d.d. - SARAJEVO**  
71000 Sarajevo, Hamdije Ćemerlića 2  
BOSNA I HERCEGOVINA  
tel.: (\*\*387 33) 610355; 610114; 703301  
fax: (\*\*387 33) 659618  
E-mail: [generalmanager@energoinvest.ba](mailto:generalmanager@energoinvest.ba)  
<http://www.energoinvest.ba>



Upisan u registar *Kantonalnog suda Sarajevo*, pod brojem: UF/I-2672/94, od 7.9.1994 god.  
UF/I-389/04 od 30. 03. 2004. god.  
Identifikacioni / Poreski broj: 4200214380009  
Identifikacioni broj PDV obaveznika: 200214380009  
Račun broj: 25001000005563 Kod: Paševina banka Federacije Bosne i Hercegovine  
1410010000083876 BOSNA BANK INTERNATIONAL, d.d. Sarajevo  
3389002207987730 UniCredit bank, d.d. Sarajevo  
1327310010246821 NLB Banka, d.d. Tuzla  
1610000010300053 RAIFFEISEN BANK, d.d. BiH, Sarajevo  
102050000015973 UNION BANKA d.d. Sarajevo  
1540011100039043 Intesa Sanpaolo Banka d.d. Bosna i Hercegovina  
1344701000121009 ASA Banka, d.d. Sarajevo  
1602000011007950 VAKUFSKA BANKA, d.d. Sarajevo  
1401010011355920 SBERBANK BIH SARAJEVO  
2060340000675073 Adriko Bank

- strana 2

Energoinvest. Izjava o navodnih 48 mil. KM dobiti Energoinvesta iz poslova sa gasom je apsolutno netačna i senzacionalistička.

Bavljenje matematikom i miješanjem osnovnih ekonomskih pojmova, čime se bavi bivši kantonalni Ministar Bečarević, stvara namjerno sasvim pogrešnu sliku o poziciji uvoznika i prodavača gasa u cijelom gasnom poslu a razlozi za to su nažalost trivijalni i lični a nikako poslovni i rezultat stvarne brige za dobrobit građana.

Podatak o 30 hiljada domaćinstava koje bi se priključile na sistem gasnog grijanja da je cijena niža je paušalan i samim tim neodrživ jer iza njega ne stoji nikavo daljne obrazloženje. Naime, koja je to cijena koja bi omogućila da se tih navodnih 30 hiljada domaćinstava priključi na gasni sistem? Ko bi mogao omogućiti tu cijenu? Koja je uloga nadležnog Ministarstva da se ta situacija promijeni? Koji je status toplana u novoizgrađenim zgradama i stambeno poslovnim kompleksima u gradu Sarajevu koje imaju svoje toplane a koje nisu dio sistema Toplana Sarajevo i koliko je potrošača nalazi priključeno na njih?

Svjedoci smo eskalacije cijena svega, od goriva do električne energije i osnovnih životnih namirnica ali bivši kantonalni Ministar Bečarević nikada nije tim cijenama posvetio ni malo pažnje.

Cijena gasa je u proteklih godinu dana konstantno padala do IV kvartala kada je minimano porasla. Kao takva u doba najveće krize izazvane ratom u Ukrajini, cijena gasa je bila 5-7 puta manja od cijene koju su plaćale zemlje koje nemaju gasnu formulu kao što je ima BiH. Uvidom u cijenu gasa na tržištu gasa, cijena koju BiH ima za IV kvartal je 17 % manja od berzanske.

Prema svemu navedenom, vidljivo je kako netačna, proizvoljna i zlonamjerna izjava bivšeg kantonalnog Ministra Bečarevića, može dovesti do zabune i dezavuisanja delegata u Zastupničkom domu Parlamenta Federacije Bosne i Hercegovine.

S poštovanjem,

Direktor,

Bisera Hadžialjević, dipl. e.e.e.

